



In derselben zeit het der römische künig ain geschäft
berufft vnd die Fürsten bei ym zu Wurmiß am
Rein gelegen. vnd vnder anderm ward näm-
lich geret vnd grüntlich beschloffen nach aller
notdurfft das zu ewigen zeiten nimmermer kain herzog von
Schwaben sein solt. noch genennt werden ain herzog. vnd
solt das selb ampt versehen werden vnd gehaißen sein ain
lantuogeti. vnd derselb genannt man solt auch gehaißen
werden ain lantuoget von Schwaben auff dem schlos ge-
nannt sant Veitzberg ob Ravenspurg gelegen. vnd solt in
dem schilt füren drei schwarz löwen vnd auf dem helm ain
pfawenfeder boschen. als dana bissher gewesen wär. vnd
wann ain landuoget abgieng so soltent. xij. zu Schwaben
ain andern welen mit namen fier grafen. fier herzen vnd
fier rittermessig. vnd ob die nit ains möchten werden so
solt ain Pfalzgraff vom Rein ain lantuoget geben ain ge-
bornen man. doch nun auß dem land zu Schwaben. vnd
wurdent die geschläch genennt Item ain graff von Tegk.
ain graff von Tübingen ain graff vom rotenfan. vnd ain
graß von der Fils. Item ain herz von Stöffeln. ain herz
von Ußch. ain herz von Klingen. vnd ain herz von Wolf-
furt. Item die fier geschläch. ain ritter von Elerenbach.
ainer von Rechberg. ainer von Waltpurg. vnd ainer von
Schellenberg vnd man soll allweg die eltsten des selben ge-
schlächts nemen. vnd wenn ain lantuoget abgieng so solt
man innerhalb in sechs wochen vnd drei tagen ain ander
erwelt werden in der stat zu Rotweil. Das ist also ange-
sehen vnd solt auch ain ewigen bestant haben. vnd haben
es die vergangen kaiser vnd künig allso all conformiert.
wenn der geschläch ains oder mer vnder den xij. vor bes-
stimbten abgienge so solent die andern vnd die vbrigen ge-
walt haben ain andern zu erwelen vnd erkiesen. doch das
die

XXVII.
Abschaf-
fung der
herzoge
von
Schwaben.

Aufrich-
tung der
Lantuogeti.

St. Veitz-
berg ob
Raven-
spurg.
Schilt 3.
schwarze
Löwen.
Wahl et-
nes Lant-
uogete.